



Synfocity = 801

mail us at : mzsynfo@gmail.com; mizoramsynod@gmail.com - Phone - 2314648

February 4, 2021

❑ **Synod Ramthar Board vawi 171-na**

February 3, 2021 (Nilaini) chawhma dar 10 khan Synod Ramthar Board Committee vawi 171-na chu J.M. Lloyd Hall, Synod Office-ah an thu.

Committee hi Synod Moderator Rev. Dr. C. Lalhlira'n a kaihruai a, Secretary Rev. C. Zorammawia'n report a pe a, report-ah hian Ramthar Board Executive Committee thurel hrang hrang bawhzui a nih dan te, Synod Inkhawmpui 97-na (2020)-in Bial thar hawn a remtih angin Jugicherra Bial (Barak Area) leh Chhimituipui Bial (Masihi Sangati) te hawn thar niin Bialtu Pastor turte pawh dahngbel nghal an nih thu te, SEC remtihna angin Bru tawnga Pathian Biak Inkhawm Hruaina Bu buatsaih mek anih thu te, Synod Mission Board hnuai Contract basis-a thawk mek zingah kum 2021-a Contract renew zat 106 an awm a, Field chhung transfer 28 awmin Inter-Field transfer 11 leh transfer (contract) 63 an awm thu te, tun hnaiah thawktu thi 3 an awm thu te leh kum 2020 (January - December) chhungin ringthar 5148 an awm thu te tarlan a ni bawk.

Tun tum committee-ah hian thu pawimawh tak tak 12 zet ngaihtuah a ni a. Thu ngaihtuah tur zinga langsar zualte chu - Roman hawrapa Bengali Thuthlung Thar bu buatsaih chungchang te, Tripura Presbyterian Church Synod leh Mizoram Synod Mission Board (SMB) inkarah Partnership Worker dah rawtna te, Mizoram Presbyterian Church (MPC) leh Presbyterian Church of Myanmar (PCM) General Assembly Mission thawh ho dan tur chungchang te an ni.

❑ **Pro. Pastor Orientation**

February 2 - 5, 2021 chhung hian Pro. Pastor lak tharte tan Pro. Pastor Orientation Programme, Synod Conference Centre, Mission veng-ah neih a ni.

Orientation programme hi February 2 (Thawhlehi) zan khan hawnna inkhawm neih niin Synod Moderator, Rev. Dr. C. Lalhlira'n inlawmna leh Keynote Address a sawi a. Orientation chhung hian subject hrang hrang - Church Administration chungchang te, Inkhawmpui leh committee kalhmang te, Synod Rules & Regulation chungchang te leh thil pawimawh hrang hrang te mi thiam hrang hrang hnen atangin an zir a ni. February 5 (Zirtawpni) zan hian OM te nen inkawmhona neih Orientation programme hi khar a ni ang.

Tun tum Orientation programme-ah hian Pro. Pastor 14 an tel a, Mission Field leh Manipur Area-a awmte chu Field Secretary leh Administrative Secretary-ten a tul anga lo kaihruai tura beisei an ni.

Pro. Pastor Orientation hi Pro. Pastor lak thar te tana buatsaih thin niin kumtina neih thin a ni.

❑ **Synod Mission Board leh ram pawn chet velna**

♦ January 31, 2021 (Pathianni) khan Tripura Synod executive committee thu angin Bru refugee camp khaw paruka Presbyterian Kohhran member 1798 lai chu Tripura Synod hnuai Rev. Chawngmunrai, Executive Secretary, Tripura Presbyterian Synod-in a lawmlut a, hemi inkhawm denchhen hian ringthar 23 Lal Isua zui turin an inpe a. Executive Secretary hi Tripura Synod puipate, Synod Choir te, Bialtu tura ruat Darchawi Pastor leh Pro. Pastor te, Evangelist te leh Field Secretary ten an tawiam a ni.

♦ **Jharkhand Mission Field**

January 27, 2021 (Nilaini) khan Samalldhab-ah ringthar 8 Lal Isua zui turin an inpe.

January 29, 2021 (Inrinni) khan Sibadi Biak In thar chu hawn a ni.

♦ **Nepal Mission Field**

January 30, 2021 (Inrinni) khan ringthar 8 Lal Isua zui turin an inpe.

♦ **Arunachal & Assam Mission Field (West)**

January 31, 2021 (Pathianni) khan ringthar 4 Lal Isua zui turin an inpe.

♦ **Delhi Mission Field**

January 31, 2021 (Pathianni) khan ringthar 20 Lal Isua zui turin an inpe.

♦ **Assam Mission Field**

January 31, 2021 (Pathianni) khan ringthar 3 Lal Isua zui turin an inpe.

♦ **Masihi Sangati**

January 31, 2021 (Pathianni) khan Kolasib Venglai Masihi Sangati hmalakna-in Puitling 2 Lal Isua zui turin an inpe.

Kumin 2021 January thla chhung khan Masihi Sangati rawngbawlna atangin ringthar 265 an awm a ni.

February 1, 2021 (Thawhtanni) khan Kolasib Area Masihi Sangati ten Rasdali Railway P-2 hmun a Crusade an neihnaah ringthar 16 Lal Isua zui turin an inpe.

□ **Synod Prison Ministry**

Synod Prison Ministry rawngbawlna chu hripui leng avangin hun engemaw chen chawlh lailawk anih hnuah February thla Pathianni hmasa ber atang hian neih ani leh tawh dawn a, Feb. 7 (Pathianni) hian Central Jail-ah hun an hmang ang a, Mipa ward-ah Prison Ministry Director Rev. R. Lalvulluaia, hmeichhe ward-ah Rev. Lalfakawma leh Masihi Sangati ward-ah Rev. T. Lalmachhuana ten hun an hmang ang.

Prison Ministry hian Central Jail leh District Jail-ah nilaini leh zirtawpni apiangin counseling class an nei thin a ni.

□ **Synod Relief Fund**

Tun hnaia harsatna hrang hrang nei Rengtekawn East-a damlo mi 1 hnenah Rs. 8,000/- pek a ni.

□ **Hruaina Eng FM Radio :**

FEBRUARY 5, 2021 (FM Zoawi - Aizawl & Lunglei @ 7:30 p.m.):

Solo : V.L Neihthangi - Beiseina nung

Zaipawl : ATC Male voice - Beiseina reng neilo te tan

Thusawi : Rev. V.L Krawschhuanmawia - Krista kan beiseina

Solo : B. Lalsangliana - Krista kan beiseina

Zaipawl : Bethlehem Kohhran Zaipawl - Ka Lungkham ram eng mawi.

□ **Susamachar Prasaran Programme :**

FEBRUARY 7, 2021 (Pathianni) 5:00 pm. :

Group/Choir/Solo : Durtlang Kohhran Masihi Sangati - Halleluia Stuti

Group/Choir/Solo : Hmingtea Tochhawng - A nugra ha kari

Sermon : Rev. P.C. Rohlira

Group/Choir/Solo : P.C Lianhmingthanga - Sahara

Group/Choir/Solo : Bungkawn Masihi Sangati - Ji Uthe

□ **Moderator leh Executive Secretary-te Programme:**

Rev. Dr. C. Lalhlira : Moderator

Feb. 11, 2021 MCC Governing Board meeting

Rev. Lianhmingthanga Sailo : Senior Executive Secretary

Feb. 6, 2021 Pastor Quarters enfel - Tlungvel, Baktawng leh Chhingchhip

Feb. 11, 2021 MCC Governing Board meeting

Feb. 12 & 13, 2021 Kohhran tlawh - Vaphai

Rev. B. Sangthanga : Executive Secretary

Feb. 9, 2021 Women Centre fresher Social

Feb. 11, 2021 NEITAC meeting

Rev. K. Lalrinmawia : Executive Secretary

Feb. 8, 2021 Prison Ministry committee meeting

Feb. 10, 2021 Synod Worship Executive committee meeting

Feb. 11, 2021 MCC Governing Board meeting

Feb. 13, 2021 UBS Special Governing Board meeting

Students' Helpline : 9856883377



Synod Information & Publicity
Phone - 2314648

Youtube channel: Synod Information

Synfo